

疑雲集

王次回
豔體詩



上海
中央
書店
印行

疑雲集

金壇王彥泓次回著

壬申年

遊仙

丹訣親傳鍊。乍成踏雲往。來一身輕。自從逃出修羅劫。便向蓬萊頂上行。
九點齊煙一笑看。芙蓉花下倚青鸞。不知子晉何心緒。手把瑤笙立夜寒。
銀河一水隔紅牆。惜別飛瓊夜未央。難得蕊珠宮畔路。伴人還有小蘭香。

春寒

雨雪霏霏一月寬。春風料峭不勝寒。東皇特勒羣花住。贏得韶光子細看。

閨詞

花朝孝先駿仲邀赴
龍山精舍作此辭之

綠窗風雨鎮無聊。一縷愁雲黯欲銷。薄酒易醺寒未減。惱人春色又花朝。
塵滿鍼箱嬾未開。繡牀同伴莫相催。棟花風起鶯聲老。勾卻傷春事再來。

射覆

限侵韻

蠟燈春酒伴沈吟。才調風流忍不禁。從製新題緘玉盒。暗拈冷字秘金鍼。較如畫鷁難爲的。悟到靈犀別有心。應被當年臣朔笑。滑稽初不似而今。

投壺

限庚韻

酒邊忽聽矢鏗鏘。立馬何人技最精。花圃畫長分鼓節。竹樓春靜誤棋聲。百驍祇覺流星疾。一笑偏驚掣電明。今日籌邊名將滿。雅歌誰是祭遵營。

掃花

限肴韻

羣芳如蝶怯鶯梢。擁帚迴環路遍抄。香夢和煙成小別。玉顏絕代忍輕拋。碧雲無恙階留蘚。紅雨初收徑啓茅。爭似瑤池春色永。桃花千歲尙含苞。

品茗

限文韻

瓶笙宛轉隔簾聞。縷縷茶煙幻似雲。落日平臺徵雅集。東風禪榻溢清芬。一旗漫作庚辛判。三印從將甲乙分。嘗到中冷新汲水。瓊漿玉液任紛紛。

有所悼

罡風掀倒莫春。紫玉無端化作煙。世界花花驚小劫。因緣草草怨華年。團將短夢都成幻。撇卻凡塵儻是仙。蓬島三山在何處。好憑方士問釵鈿。

懷懷唱徹怨東風。始識人間事總空。一現曇花開落後。三生恨石去來中。吟成錦瑟義山李。敲破瓦盆莊叟蒙。自古達人歌當哭。而今且作信天翁。

憶舊

妝樓窄窄夜迢迢。青鳥無端一再邀。明月滿窗人薄醉。碧蘭香裏坐吹簫。

記得

誤拋紅豆惹相思。一水盈盈打槩遲。記得畫樓人睡起。杏花簾外雨如絲。

偶成

寂寂閒庭十笏寬。雜栽花木傍闌干。嫣紅姹紫雙行列。權作金釵挾侍看。

自吹長笛倚新歌。宛轉聲中託意多。花漸闌珊春漸老。酒邊燈下奈卿何。

悼紅吟

有序

桂卿者。真州人也。綠珠絕色。碧玉小家。室侍慈護。鄰依大樹。舍傍有大樹一株。擲梭客去。肯令白壁玷瑕。投轄人來。頓許黃金。躍冶紗將繫臂。錦與纏頭。月誓三生。雲行一度。豈料妬聞。獅吼釵。竟輕分。更憐。釵起。狐疑。劍難終。合音塵。隔矣。形影淒然。每當鵲噪。蟾蜍飛。猶穿望眼。無奈驚飄。鳳泊欲碎。迴腸一病。懨懨遽醒。梅花之夢。九原渺渺。莫招桃葉之魂。嗚呼。僕本狂人。生多恨事。吊桂林之黃土。別桂福於青樓。皆昔年事。芳字適同。悲懷何極。緣慳識面。早繫平子之愁。語出傷心。聊學步兵之哭。書之勺碧。悼此落紅。

銀潢不流。蟾影缺。滿地瓊英。落如雪。暗風颼颼。吹鐙青。彷彿有人語。嗚咽。女兒十七。傾城姿。問名笑指丹桂枝。羅綺不華絃管賤。綠窗自惜駒光馳。悄駕鈿車遊陌上。珠輝玉映。世無兩。頗疑昔日秦羅敷。行者坐者各惆悵。裘馬何處來。少年豪華意。氣迴不羣。願指參昴作盟誓。塞脩一再通。殷勤黃金別。起藏嬌屋。繡幕周圍。燦花燭。盤龍光照。新上頭。羞澀猶看翠蛾蹙。台歡酒熟。漱灑。樹定情詩成。宛轉吟雙飛。雙宿。鳥比翼。一話一言。關同心。芙蓉帳。暖春雲。膩一宿。空桑豈

初意劉家婦人興風波捐扇摧簪等兒戲榴花五月紅易飄蓮花六月香又銷秋飈轉眼墜金粟此人此樹同蕭條深掩銅鋪病無力海棠褪盡胭脂色紫釵空費十萬錢依舊井瓶斷消息噩夢驚魂事事非細腰甘遂輕煙飛薄命不如紅淚點瑩然留得在君衣君去迢迢昌國衛縮地長房更分袂鳳簫聲咽秦樓傾一慟歸來撫孤棋黃土淒涼碧草封夜臺應唱負情儂不知與我千何事也濕青衫一兩重

秋花分詠同端已作

葉爲鳳尾舒莖作龍鬚嬌丹英媚孤松山河夕陽悄
風露黯牆陰幽姿益增媚今日斷腸花當年思婦淚
景陽樓下井秋芬裊其側采采懷美人貽之好顏色
忽忽西風起漫天作絮飛斷絃甘不續生恐作兒衣
葉完波痕綠花分草色青永夜長相望天邊織女星
也呼抹麗名一笑渾不似衣白更衣黃人但憐阿紫紫茉莉

分得陶家種。居然並晚芳。大千秋世界。何處不遊方。僧鞋菊
涼月竹棚秋。三更露如水。離離花影垂。蟋蟀鳴不已。豆花

生長秋江上。容華自可憐。長紅還小白。一見一回鮮。芙蓉

綠陰滿窗紗。美人來不速。相伴更相憐。一雙紅蝙蝠。美人蕉

汀州淡無容。留得餘芳在。盪槳誰家娃。誤作菱花採。蘋

畫出蕭疏態。漁汀夕照留。忘機鷗鳥在。冷伴一枝秋。蓼

閨怨

少小紅窗負艷名。而今憔悴可憐生。傳來青鳥書偏誤。曉到黃鸝夢欲驚。別院簫聲空宛轉。隔
簾花影自分明。閒中風月都無價。悔煞當時看太輕。

匆匆庚悉幾春秋。女伴相逢暗自羞。腰細空扶燈下醉。眉纖長鎖鏡中愁。能言鸚鵡呼無應。得
意鸕鷀舞未休。擬倩琵琶訴心事。恐教腸斷白江洲。

稽首重霄繾綣司。咫尺牒下竟何時。袖依翠竹寒無奈。簾捲黃花瘦不支。賣笑安能同北里。效

響。祇。可。讓。東。施。金。錢。頻。擲。猶。難。信。終。日。長。吁。自。覺。癡。
玉。顏。不。屑。炫。明。妝。脣。褪。殷。紅。額。褪。黃。柳。絮。光。陰。悲。謝。女。桃。花。消。息。問。劉。郎。亦。知。薄。倖。都。成。夢。不。
信。溫。柔。別。有。鄉。寂。寞。深。宵。人。獨。坐。軟。綃。拭。盡。淚。千。行。

題荆文始姊夫紅樓絮別圖

江。上。春。潮。兩。岸。平。樓。頭。別。酒。一。樽。傾。何。人。打。槳。迎。桃。葉。唱。到。離。鸞。別。有。情。
回。首。巫。雲。夢。已。非。玉。釵。羅。袖。兩。依。依。春。江。水。畔。花。如。許。叮。囑。雙。鳬。莫。亂。飛。
錦。襪。同。心。手。自。裁。離。亭。風。笛。漫。相。催。美。人。一。寸。憐。才。意。不。是。黃。金。買。得。來。
分。明。勞。燕。各。西。東。愁。絕。天。涯。一。寓。公。楊。柳。千。絲。樓。一。角。夕。陽。紅。到。畫。圖。中。

遇鄰媼

西。鄰。有。媼。鬢。如。絲。曾。見。儂。家。全。盛。時。四。壁。芸。香。書。估。集。一。年。花。事。酒。人。知。金。錢。滿。座。催。詩。早。玉。
笛。深。宵。按。曲。遲。今。日。天。涯。共。淪。落。不。堪。回。首。更。尋。思。

偶成

悄悄細雨暗窗紗。鑪篆煙中靜不譁。自愛閒庭秋色好。西風開到射干花。

雨窗

雨窗枯坐太無聊。自擘濤箋譜六么。檀板一聲初入拍。惜無紅袖爲吹簫。

遊仙

壓氣蒼茫裏。三山望不真。可憐騎鶴客。誰是釣鼇人。瓊樹休論種。琪花易得春。似聞青鳥語。東海又揚塵。

偶作

山嶂疊復疊。江流灣更灣。扁舟從此去。倦鳥已先還。終古水無極。高空雲自閑。何時攜釣具。來住畫圖間。

有約爲文始作用尖叉韻

相攜素手玉纖纖。未許青衣啓繡簾。欲去還留曾有待。將言偏黠爲防嫌。半沾淚點藏羅帕。雙鎖眉痕避鏡奩。珍重一聲歸也罷。泥人總在鳳頭尖。

隔牆開徧碧桃花。分得春光到妾家。蝴蝶弄晴來曬粉。鷓鴣坐畫學呼茶。閑繙繡譜門雙掩。怕露羞容扇半遮。私喜夕陽紅未了。爲伊計算路三叉。

閨憶疊前韻

窗前怕見月纖纖。詐說春寒不捲簾。鄰女多心旁忍笑。侍兒饒舌小生嫌。遣愁偶或開香盒。療恨何妨檢藥奩。爲理琴絲獨自坐。東風冷損指頭尖。

長晝闌干春壓花。韶華徧滿阿儂家。畫眉舊倩郎。望黛潤。吻今教婢捧茶。帳外遊絲愁緒綰。袖邊羅帕淚痕遮。紅閨寂寞無聊賴。多少情懷付畫叉。

東鄰梔子花用上年韻

漫說頻頻見不鮮。隔牆宋玉自歡然。似尋人面桃還笑。試數天時艾並懸。五月花繪素良工新畫。本諧聲之子舊詩篇。楊環體態肥如此。唐詩芭蕉葉大梔子肥不抹燕支劇可憐。

憶梅

又是同雲釀雪時。寒苞欲坼尙遲遲。遊蹤寥落青山在。夢影迷離翠羽知。驛使歸來應有信。美

人別去最相思。何當策蹇清溪畔。領略春風第一枝。

尋梅

杖藜閒步趁蕭辰。鐵腳將無學道人。仙鶴從容如識路。蒼虬隱約慣迷津。暗香疏影知何處。流水空山別有春。覓得繁花親供養。膽瓶長伴歲寒身。

賞梅

一庭晴雪報花開。不負年前著意栽。縞袂相逢閒倚簾。隱囊小坐喜銜杯。傳神合仿蕭洲本。覓句終慚水部才。夜起巡檐還索笑。臨風擬上最高臺。

惜梅

風雨羅浮憶夢中。生憐香影一時空。金鈴但願春無恙。玉笛還愁曲易終。東閣吟情猶款款。西山遊興莫恩恩。和羹事業而今始。爲問羣芳孰與同。

十二月十七日招雲客孝先巖仲端己小飲成卽事一首

緹室早報葭灰飛。膝六未放陽春回。喻冬至將一月雨雪連綿至今未已消寒雅集視成例。一時壇坫爭先開。

賦詩酌酒洵樂事。鰕生何幸容追陪。今朝忝作東道主。前期掃徑除蒿萊。村庖安得備珍錯。家具聊復搜尊罍。相邀擬仿八仙飲。不速偏少三人來。文始囑如御君均以疾辭不至吟箋堆案次第擘。雲中白鶴宜爲魁。橫空硬語力排寡。居然餘刃遊恢恢。龍山二子才韻頗。梁園角逐鄒偕枚。如聽湘靈鼓瑟聲。指湘雲調端已江雲一曲翻新裁。琳瑯滿目歎觀止。手書口誦心低徊。譬若諸侯迭雄長。齊秦晉楚交相推。蒙也等之鄮以下。號寒祇覺蟲堪哀。悔不竟藏魏公拙。徒糜魚網磨松煤。北風穿窗氣凜冽。圍爐楮枰呼童煨。身御重裘尙瑟縮。且拋筆墨硯同持。儀文脫略酬酢簡。談鋒四起轟如雷。初爲拇戰繼射覆。明瓊一擲人環猜。風塵自憐俗士俗。糾觴自笑身無才。忽聞高歌發郢唱。梁間簌簌動塵埃。酣嬉淋漓莫可詰。盡醉那惜傾香醅。但惜年來量衰退。酡顏容易先人頽。朦朧勸客勿遽去。林端叵耐歸鴉催。出門踏雪訂後約。良會還叩窗前梅。

再過藤邨

黃昏

興廢何堪夢裏猜。更無麋鹿走荒臺。羊曇有淚難爲哭。閱盡桑田滄海來。舅家故物

閒倚西樓送夕陽。欲歸頗自怯空房。青禽獨坐憐雕檻。紫燕雙棲妒玳梁。池底月痕和水濕。簷前花氣挾風香。侍兒不識心頭事。籠燭相催卸晚妝。

題康元始詩集

新詞早聽唱玲瓏。又向詩壇拜下風。斗酒百篇齊太白。筆花五色擅文通。許身禹稷才何愧。託興湖山句更工。莫恨萍逢交太晚。十年前已應求同。

癸亥有贈歸試雲間詩

簾波

得香字

玲瓏犀押未禁颺。皺出湘文縷縷長。塵影不飛深障曲。煙痕欲活淺留香。輕捐燕剪風初定。低浸鸞鈎月自涼。擬倩通辭還隔面。由來銀滿是紅牆。

香篆

得簾字

霏霏煙靄繞芸籤。波磔分明乍啓籤。凝就一規仙解脫。熏成卅字佛莊嚴。迴文錦展濃芳襲。博古鑪開小印添。最是撥灰閒覓句。相留未擬捲重簾。

歲事

歲事闌珊病乍瘳。債臺高築避無由。不情最是長生庫。祇典衣裳不典愁。

壬申除夕

星斗滿天燈滿堂。開筵先覺椒花香。算一年事暫時了。合天下人今夜忙。且奮精神強飲食。每因節物話家鄉。雞聲唱徹四更後。獨自開窗看曉光。

癸酉年

踏燈詞偕雲客作

玉梅花下寫宜春。彈指韶光又一旬。且喜試燈今夜是。深闌忙煞掃眉人。不施脂粉不熏香。素服由來稱淡妝。笑說新年從俗例。出門先走喜神方。凌波襪小步從容。邂逅同心興更濃。笑語半時剛別去。鼇山前面又相逢。今年官府太多情。特許龍燈到處迎。會得與民同樂意。鼓鼙多作太平聲。觀梅古社暫經過。手整花冠簇鬧蛾。說與檀郎應一笑。看儂人比看燈多。雕鞍華轂儘喧闐。爭說花燈勝往年。袖底繡羅巾一幅。下逸。

買燈詞

元夕東風遲玉漏。月波軟。浸天街。繡萬家燈火。燭霄紅。寶馬鈿車競馳驟。聽盡笙歌。酒未消金。吾弛禁例。三宵綠章奏。展繁華。限特許金錢進。紫標魚龍曼衍。看無極。依舊雲霞輝。五色鳳闕。重開不夜城。鰲山仍峙。長春國。銀花樹樹燦光芒。雜遝香塵。士子忙。點綴昇平本。如此識時何事。空傍徨。

觀物四首

不分明處似分明。粉碎虛空結撰成。枕上迷離雲一片。燈前惝恍月三更。是真是幻都無據。非想非因竟莫名。指點邯鄲舊時路。幾人到此悟浮生。

夢

寸衷脈脈付低徊。入世原根至性來。一代倫常留正氣。千秋詞賦見真才。吟風弄月天機暢。覆雨翻雲薄俗猜。笑我欲忘猶未得。蠶絲難盡炬難灰。

情

眉間心上費支持。萬古難消酒一卮。落日關河征戰地。殘秋風雨別離時。茫茫此境偏相對。渺渺予懷祇自知。席帽年來最蕭瑟。抽簪贏得鬢如絲。

愁

東風寂寞認闌干。雙袖龍鍾拭未乾。點點輕融冰影薄，盈盈長對燭光寒。三更雨共簷前滴，種花留砌下看。聽得琵琶衫濕盡，憐他裊觸太無端。淚

偕孝先子巨萬東陂酒肆小飲成四絕句

陂在縣東土宜稻頃收萬東故名

翠微遙抹一痕煙。颯颯東風欲雨天。問訊酒家知不遠，呼童先數杖頭錢。
疏籬曲繞酒場寬。小供盆梅雜釘盤。贏得癯仙終日醉，陶然無復雪霜寒。
王後盧前細品評。吟壇各自負才名。今朝賭盡旗亭壁，惜少雙鬟一發聲。
索居容易負韶光。難得良朋共舉觴。從此稻花陂下過，流涎休笑汝陽王。

妝閣

淡雲微雨好春天。妝閣深沉絕可憐。報道玉人慵不起，朝來空到杏花邊。

庭竹

笑看庭前竹一枝。年年長是綠參差。桃花儘逞嬌顏色，消受春風得幾時。

戲作

生平頗不畏風波。淮海江河閱歷多。只是慣聽鶯燕語。道儂無奈石尤何。

懊惱

懊惱清明節。淋浪雨太多。春情空繾綣。好景易蹉跎。黯黯花無色。沉沉鳥不歌。欲思江上去。何處借魚蓑。

選佛詞

有序

昔人多作遊山詩。而獨不及於佛。偶繙內典。因撫得若干首。即名之曰選佛詞云。
早從初地悟無生。拓鉢重來舍衛城。敷坐拈花迦葉笑。諸天齊放大光明。
初陽紅射講經臺。花雨繽紛錫路開。八部天龍齊俯首。達摩今日渡江來。
鈍根慚落箭鋒機。莫向風幡說是非。祇有此心泥絮似。天花散盡不沾衣。
誰將沙數問恆河。自涅槃來幾剎那。不信方壺真嶠地。主持偏是道人多。
伏虎降龍法力深。慈雲普蔭去來今。皈依已遍三千界。何事天魔不信心。
菩提非樹鏡非臺。歡喜園成絕點埃。特供伊蒲新樣饌。邀他鹿女踏花來。